



RETNINGSLINER FOR TILDELING AV TILSKOT TIL DUGNAD VED STØRRE ARRANGEMENT AUSTRHEIM KOMMUNE

I følge delegasjonsreglement § 3-24 har avdelingsleiar for kulturavdelinga delegert mynde til å tildela midlar til ei kvar tid fastsette retningsliner for slik tildeling.

Reglement er laga av ei oppretta komité for tildeling av kulturmidlar, tilskot barn og ungdom, og tilskot til dugnad ved større arrangement:

Emma Hjelmtveit, Rigmor Ludvigsen, Jan Olav Osen, Kari Torkildsen Utkilen

1. Tilskot kan delast ut til frivillige lag og organisasjonar som er arrangør av større arrangement, og har sitt virke i Austrheim kommune. Det kan delast ut midlar til regionale organisasjonar og lag, som driv aktivitetar i kommunen. Tilskotet skal ikkje gå til einskildpersonar.
2. Tilsegn om tilskot til dugnad vert delt ut ein gong i året, i juni månad. Dersom det vert midlar igjen på budsjettet kan det også delast ut midlar i november månad.
3. Fordeling av tilskotet vert primært fordelt etter følgjande nøkkeltal:
 - Havsportsveka 75%
 - Andre 25 %
4. Tilsegn om tilskot til dugnad ved større arrangement skjer etter skriftleg søknad. Søknadsskjema vert automatisk sendt til dei laga som er registrert på kommunen si heimeside. Elles vert søknadsfrist lyst ut i Kyrkjebakken og på heimesida til kommunen.
5. Søknaden skal innehalde følgjande:
 - namn på søkjar
 - skildring av tiltak/prosjekt (innhald, føremål. m.m.)
 - målgruppe for arrangementet
 - kva lag/org. som vert invitert til dugnaden
 - tidsplan for arbeidet
 - økonomi/budsjett til arrangementet
6. Tilskotet skal ikkje gå til lag og organisasjonar som berre driv og/eller leiger ut bygg.
7. Utbetaling av honorar for dugnad skjer med bakgrunn i gjennomført dugnadsinnsats på arrangementet, og lag/org som krev betaling for dugnaden må fylle ut eige skjema som vert levert til servicekontoret, Austrheim kommune, innan to månader etter gjennomføring av dugnaden.
8. Austrheim kommune ønskjer at alle lag og organisasjonar tek i bruk kulturkalenderen på heimesida . Vi vil også oppfordre til samarbeid mellom lag og organisasjonar, og til å godta føljekort.